

ORIENTERINGSNOTAT

Til: Alver formannskap – møte 2. desember 2021

Frå: Rådmannen

Dato: 25.11.21

Tema: Samarbeidsavtale Kystverket Miljøberedskap og Alver kommune

1. Bakgrunn

Kystverket Miljøberedskap har ansvar for oljevernberedskapen langs kysten av Norge. Dei har beredskapspersonell og depot med materiell, som mellom anna blir nytta i statlege oljevernaksjonar. I Vestland fylke har Kystverket fleire depot, mellom anna på Ågotnes, men dette depotet blir flytta til Mongstad. Kystverket Miljøberedskap har ein organisasjonsmodell der vertskommunen til depotet eller lokalt brannvesen har arbeidsgjevaransvar for beredskapspersonellet. Personellet som har vore knytt til Ågotnes depot, er i dag tilsett i Øygarden brann og redning IKS.

Kystverket Miljøberedskap har tatt kontakt med Alver kommune og Nordhordland brann og redning, dei ønskjer eit samarbeid der Alver kommune er arbeidsgjevar for beredskapspersonell som blir knytt til depotet på Mongstad. Det er snakk om 11 beredskapstilsette (deltid), inkludert ein tilsynsperson som jobbar på depotet. Utgangspunktet er at personell tilsett i Øygarden brann og redning IKS blir overført til Alver kommune. Overføring av personell og ansvar blir regulert gjennom ein samarbeidsavtale. Samarbeidsavtalen er 2-årig med oppstart 01.02.2022.

2. Ansvar

Gjennom samarbeidsavtalen vil Alver kommune ha arbeidsgjevaransvar for beredskapspersonellet, og arbeidsvilkår for personellet er regulert gjennom ein eigen særavtale. Alver kommune vil ha hovudansvar for rekruttering av personell, økonomisk oppgjer og diverse administrative prosessar. Kystverket vil ha det operative ansvaret for personellet gjennom arbeid på depot, kurs, opplæring, øvingar, trening og statlege aksjonar. Kystverket har også ansvar for alt materiell, depotareal og mobilisering av personell til øvingar og aksjonar. Alver kommune har som arbeidsgjevar HMS-ansvar for beredskapspersonellet. Kystverket følgjer opp det konkrete HMS-arbeidet knytt til sin aktivitet, og Kystverket må leggje fram dokumentasjon på korleis HMS-arbeidet blir følgt opp. Denne dokumentasjonen skal vere ein del av Alver kommune sitt internkontrollsystem.

3. Økonomi

Alver kommune vil motta ei årleg administrasjonsgodtgjering på kr 252.000, denne summen blir indeksregulert kvart år. Denne summen skal dekke administrativt arbeid i Alver kommune. Utover dette vil Alver kommune få dekkja alle kostnader med oppfølging av beredskapspersonellet, dette gjeld mellom anna:

- Godtgjering, løn og sosiale utgifter til beredskapspersonell
- Refusjon av alle kostnader til alle aktivitetar
- Forsikringar
- Helseattestar
- Andre dokumenterte kostnader

Avtalen med Kystverket vil ikkje påverke dagens økonomiske rammer i Alver negativt. Avtalen gjer eit potensiale for auka inntekter.

4. Oppfølging av avtalen

Det blir lagt opp til at Alver kommune ved rådmannen inngår samarbeidsavtalen med formell oppstart 01.02.2022. Begge partar kan seie opp avtalen skriftleg. Den organisatoriske oppfølginga skjer gjennom Nordhordland brann og redning (NHBR). Avtalen vil ikkje påverke Alver kommune sine egne aktivitetar utover administrativ oppfølging gjennom Nordhordland brann og redning.